

A I R E A M H.

gus am mnàì, agus am mic, agus an clann bheag.

28 Agus thubhairt Maois, Le so bithidh fios agaibh gu'n do chuir an Tighearna mise a dheanamh nan oibre sin uile; oir cha *d'rinn mi iad* as mo cheann féin ^a.

29 Ma gheibh na daoine sin bàs mar na h-uile dhaoine eile, no ma dh'fhiofraichear iad a réir fìofrachaidh nan uile dhaoine; *'an sin* cha do chuir an Tighearna mise *uaith*.

30 Ach ma ni 'n Tighearna gnìomh nuadh, agus gu'm fòsgail an talamh a bheul, agus gu'n sluig e suas iad maille ris gach ni a' s' leo, agus gu'n d'théid iad sìos beò do'n t-flochd; 'an sin tuigidh sibh gu'n do bhro-fnaich na daoine sin an Tighearna.

31 Agus tharla 'nuair a sguir e do labhairt nam briathra sin uile, gu'n do sgoilt an talamh a *bha* fodha ^b o chéile:

32 Agus dh'fhosgail an talamh a bheul, agus shluig e suas iad, agus an tighean, agus na daoine uile a *bhuin* do Chorah, agus *am* maoin uile.

33 Chaidh iad féin, agus gach ni a *bhuin* doibh, beò sìos do'n t-flochd, agus dhruid an talamh orra: agus chaidh as doibh o mheasg a' cho'-chruinnich.

34 Agus theich Israel uile a *bha* m'an timchioll, r'an glaoth; oir thubhairt iad, An t-eagal gu'n sluig an talamh sinne suas *mar an ceudna*.

35 Agus thàinig teine amach o'n Tighearna, agus loisg e 'n dà cheud agus an leth-cheud fear a thug seachad tùis.

36 Agus labhair an Tighearna re Maois, ag ràdh,

37 Labhair re h-Eleasar mac Aaroin an sagart, e thogail suas nan tùiseirean a meadhon an losgaidh, agus sgap thusa an teine 'an fud; oir tha iad coisrigte.

38 Tùiseirean nam peacach ud 'anaghaidh an anma féin; agus deanadh iad dhiubh leachd an leathan *mar chòmhdach* do'n altair: oir thug iad seachad iad 'an làthair an Tighearna, air an aobhar sin tha iad coisrigte; agus bithidh iad 'nan comhara do chloinn Israeil.

39 Agus ghabh Eleasar an sagart na tùiseirean umha, leis an d' thug iadfan a chaidh losgadh seachad tabhartas; agus rinneadh iad 'nan *leachdaibh* leathan *mar chòmhdach* do'n altair:

40 *Gu bhi* 'nan cuimhneachan do chloinn Israeil, air chor as nach d'thig coigreach, nach 'eil do fhìochd Aaroin, am fagus a losgadh tùis 'an làthair an Tighearna; chum as nach bi e mar Chorah, agus mar a chuideachd: mar a thubhairt an Tighearna ris le làimh Mhaois.

41 Ach air an là màireach, rinn co'-chruinneach chloinn Israeil uile gearan 'an aghaidh Mhaois agus 'an aghaidh Aaroin, ag ràdh, Mharbh sibh sluagh an Tighearna.

42 Agus tharla 'nuair a chruinnicheadh an co'-chruinneach 'an aghaidh Mhaois agus 'an aghaidh Aaroin, gu'n do sheall iad air pàillion a' choi'-thionail: agus feuch, chòmhdach an neul e, agus dh'fhoillsicheadh glòir an Tighearna.